



21. februar 2023

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

1. Alimasissumik ilinniartitsinissamut aammalu video aqqutigalugu ataatsimiissinnaanissamut pilersitsinissaq periarfissaatinniarlugu, nunatsinni inoqarfiit qanoq amerlatigisuni nittartakkakkut attaviit pitsaasuullutillu aalajaatsumik atorneqarsinnaappat?
 - a. Inoqarfiit sorliit matumani periarfissaqanngillat?
2. Nuna tamakkerlugu alimasissumik ilinniartitsinissamut aammalu video aqqutigalugu ataatsimiinnissamut periarfissaqalernissaq anguniarlugu nittartakkakkut attaviit aningaasaliiffigineqassappata pisortanut aningaasatigut allaffissornikkullu suut kingunissarai?
 - a. Nittartakkakkut attaviit pitsaanernik taarserneqarnissaannut aningaasliinissat piffiillu tamaasa qanoq akeqarnissaanik nalilersuinissamut, inoqarfiit allattorsimaffeqarnissaanik suliaqarnissaq periarfissaanerluni?
3. Alimasissumik ilinniartitsinerulernissamut pitsaaqutit suut Naalackersuisuniit isigineqarpat?
 - a. Pissutsinut taakkununga ilinniartut tamarmik assigiimmik periarfissaqalernissaannut Naalackersuisut qanoq qulakkeerinninniarpat? Uani atortorissaarutit (qarasaasiat, iPad assigisaannilluunniit) nittartakkamullu attaveqaatit pineqarlutik?
4. Meeqqat atuarfiini nittartakkakkut ilinniartitsissutit suut ullumikkut atorneqarpat?
 - a. Taakkununga ukiumut qanoq aningaasartuuteqartoqarpa?
5. Qinigaaffik matumani nittartakkakkut ilinniartitsissutinik Naalackersuisut nutaanik suliniuteqarnissaminnik pilersaaruteqarnerlutik?
 - a. Taamaappat suut?
6. Naalackersuisut pineqartumut allanik paasissutissiisinnaanerlutik?
(Inatsisartunut ilaasortaq Nivi Olsen, Demokraatit)

Tunngavilersuut

Ullumikkut alimasissumik ilinniartitsinissamut aammalu video aqqutigalugu ataatsimiinnissamut atortorissaarutitigut periarfissagissaarnerput Corona takutippaa. Ilisimasaq tamanna ilinniarsimassutsimut qaffassaasinnaammat aammalu nikeriapallassinnaanermut iluaqutaassammat nunatsinni pitsaanerpaamik atorniartariaqarparput. Nittartakkatigulli attaveqaatit piffinni amerlasuuni alimasissumik ilinniartitsinissamut ammali video aqqutigalugu ataatsimiinnissamut unammillernartitsinissaapput, isumaqarpungalu unammillernartut ersarissarneqartariaqarneri aningaasaliinissamullu pisariaqartinneqartut ersarissarnissai pingaartuusoq.

Apeqqutit ullut qulit suliffiusut iluanni akineqareersimanissaat kissaatigaara.